

ხელშეკრულება
სახელმწიფო შესყიდვის შესახებ #33

ზუგდიდი.

21 მარტი, 2019 წელი.

ერთის მხრივ საქართველოს ადმინისტრაციულ-ტერიტორიულ ერთეულებში (აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის მუნიციპალიტეტებსა და ქალაქ ფოთის მუნიციპალიტეტში) სახელმწიფო რწმუნებულის ადმინისტრაცია (შემდგომში – შემსყიდველი), წარმოდგენილი სახელმწიფო რწმუნებულის პირველი მოადგილის ირაკლი ჯიქიას სახით, ხოლო მეორეს მხრივ ი.მ. „რუსუდან ვართაგავა“ (შემდგომში „მიმწოდებელი“), წარმოდგენილი რუსუდან ვართაგავას სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ს' ქვეპუნქტითა და სახელმწიფო შესყიდვების სააგენტოს თავმჯდომარის 17.08.15.-ის #13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესით“, ვდებთ წინამდებარე ხელშეკრულებას შემდეგზე:

1. ხელშეკრულების ობიექტი

- 1.1. ხელშეკრულების საგანია ყვავილების თაიგულების მიწოდება (CPV კოდი – 03121210)
- 1.2. მიმწოდებელი უზრუნველყოფს 14 (თოთხმეტი) ერთეული თაიგულის დამზადებას და გადაცემას შემსყიდველისთვის.

2. ღირებულება

- 2.1. ერთი თაიგულის ფასია 10 ლარი.
- 2.2. ხელშეკრულების ჯამური ღირებულებაა 140,00 (ას ორმოცი) ლარი საქართველოს კანონმდებლობით გათვალისწინებული გადასახადების ჩათვლით.

3. შესყიდვის ობიექტის ხარისხი

- 3.1. ყვავილებისა და თაიგულის დიზაინის შერჩევა მოხდება შემსყიდველის წარმომადგენლის მიერ, არსებული სახეობებისა და ფასების გათვალისწინებით.

4. შესყიდვის ობიექტის მიწოდების პირობები და ვადები

- 4.1. მიმწოდებელი ხელშეკრულებით გათვალისწინებულ საქონელს მიაწვდის თავისი მაღაზიის მეშვეობით (ზუგდიდი, ზ. გამსახურდიას გამზ.) არსებული მაღაზიის მეშვეობით, ხელშეკრულების ხელმოწერისთანავე.
- 4.2. საქონლის მიწოდების პარალელურად მიმწოდებელი უზრუნველყოფს ზედნადების ან კანონმდებლობით გათვალისწინებული სხვა თანხმდებელი დოკუმენტის გამოწერას არსებული წესის შესაბამისად.

5. შესყიდვის ობიექტის მიღება-ჩაბარების წესი

- 5.1. საქონლის მიღება-ჩაბარება ფორმდება შესაბამისი აქტით. საქონელი ითვლება ჩაბარებულად მხარეების მიერ აქტზე ხელმოწერის შემდეგ.

6. ანგარიშსწორების პირობები

- 6.1. მიწოდებული საქონლის ღირებულების ანაზღაურება მოხდება უნაღდო ანგარიშსწორებით ლარებში.
- 6.2. შემსყიდველი იღებს ვალდებულებას აუნაზღაუროს მიმწოდებელს მიწოდებული საქონლის ღირებულება საქონლის მიწოდების შემდეგ, არაუგვიანეს 10 (ათი) სამუშაო დღისა.

7. მხარეთა უფლება-მოვალეობები

- 7.1. შემსყიდველს უფლება აქვს:
 - შეამოწმოს მიწოდებული საქონლის შესაბამისობა ხელშეკრულებით გათვალისწინებულ პირობებთან;
 - განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- 7.2. შემსყიდველი ვალდებულია:

– მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

7.3. მიმწოდებელს უფლება აქვს:

– მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

7.4. მიმწოდებელი ვალდებულია:

– დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების პირობების დარღვევისას

8.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2. თუ ხელშეკრულების მონაწილე რომელიმე მხარე დაარღვევს ხელშეკრულების პირობებს, იგი ვალდებულია აუნაზღაუროს მეორე მხარეს ზარალი, რომელიც მას მიადგა ამ ქმედების შედეგად, გარდა იმ შემთხვევისა, როცა ხელშეკრულების პირობების დარღვევა გამოწვეულია ფორსმაჟორული გარემოებებით.

8.3. ერთ-ერთი მხარის მიერ ნაკისრი ვალდებულების შესრულების ვადის გადაცილების შემთხვევაში მეორე მხარეს უფლება აქვს დააკისროს დამრღვევს პირგასამტეხლო შეუსრულებელი ვალდებულების 0,2 %-ის ოდენობით ყოველ ვადაგადაცილებულ დღეზე.

9. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2019 წლის 30 მაისამდე.

10. ხელშეკრულების პირობების გადასინჯვის შესაძლებლობა

10.1. ხელშეკრულების დამდებ არც ერთ მხარეს არა აქვს ხელშეკრულების პირობების ცალმხრივად შეცვლის უფლება.

10.2. დაუშვებელია ხელშეკრულების ფასის შეცვლა ან სხვა ისეთი ცვლილებების შეტანა, რაც გააუარესებს პირობებს შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების შეცვლა დასაშვებია მხარეთა ურთიერთშეთანხმებით, კანონმდებლობით დადგენილი წესით.

10.4. ნებისმიერი ცვლილება ძალაში შედის წერილობით გაფორმებისა და მხარეთა მიერ ხელმოწერის შემდეგ.

11. ფორს-მაჟორი

11.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ფორსმაჟორული გარემოებებით.

11.2. ფორსმაჟორულ გარემოებებში იგულისხმება სტიქიური უბედურებები, საომარი მოქმედებები, ეპიდემია, კარანტინი, ემბარგო, საბიუჯეტო ასიგნების მკვეთრი შემცირება, კანონმდებლობის ცვლილება და სხვა საყოველთაოდ აღიარებული გარემოებები, რომლებიც შეუძლებელს ხდის მხარეების მიერ ნაკისრი ვალდებულებების შესრულებას.

11.3. მხარე, რომელსაც შეექმნა ფორსმაჟორული გარემოება, დაუყოვნებლივ აცნობებს მეორე მხარეს ამის შესახებ.

11.4. ფორს-მაჟორის შემთხვევაში ხელშეკრულების შემდგომი მიმდინარეობის საკითხს მხარეები გადაწყვეტენ ერთობლივად.

12. დავები და მათი გადაწყვეტის წესი

12.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა გადაწყდება მხარეთა ურთიერთმოლაპარაკების გზით.

12.2. ურთიერთმოლაპარაკების გზით შეთანხმების მიუღწევლობის შემთხვევაში მხარეებს უფლება აქვთ მიმართონ სამართალდამცავ ორგანოებს საქართველოს კანონმდებლობის შესაბამისად.

13. ხელშეკრულების ინსპექტირების პირობები

13.1. შემსყიდველი უფლებამოსილია მოახდინოს ინსპექტირება, რომლის მიზანია ხელშეკრულების პირობების შესრულების მდგომარეობისა და მოწოდებული საქონლის ხელშეკრულების პირობებთან შესაბამისობის დადგენა.

13.2. შემოწმების შედეგად გამოვლენილი ნებისმიერი ხარვეზის შესახებ დაუყოვნებლივ წერილობით ეცნობება მიმწოდებელს წუნდების მიზეზების მითითებით.

13.3. გამოვლენილი ნაკლის ან დეფექტის აღმოფხვრასთან დაკავშირებული ხარჯების ანაზღაურება ეკისრება მიმწოდებელს.

14. ხელშეკრულების შეწყვეტა

14.1. თუ ხელშეკრულების მონაწილე ერთ-ერთი მხარე არ ასრულებს ხელშეკრულებით გათვალისწინებულ ვალდებულებებს, მეორე მხარე უფლებამოსილია მიიღოს გადაწყვეტილება ხელშეკრულების მთლიანად ან მისი ცალკეული დებულების გაუქმების თაობაზე.

14.2. მხარე, რომელიც მიიღებს ზემოთაღნიშნულ გადაწყვეტილებას, ვალდებულია ამის შესახებ შეატყობინოს მეორე მხარეს გადაწყვეტილების გამომწვევი მიზეზებისა და აღსრულების თარიღის მითითებით.

14.3. პირობების დარღვევის გამო ხელშეკრულების შეწყვეტა არ ათავისუფლებს მხარეებს ხელშეკრულების შეუსრულებლობისთვის გათვალისწინებული პასუხისმგებლობისგან.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

15.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, თითოეულს აქვს თანაბარი იურიდიული ძალა და ინახება ხელმომწერ მხარეებთან.

16. მხარეთა რეკვიზიტები

„შემსყიდველი“:

საქართველოს ადმინისტრაციულ-ტერიტორიულ ერთეულებში
(აბაშის, ზუგდიდის, მარტვილის, მესტიის, სენაკის, ჩხოროწყუს,
წალენჯიხის, ხობის მუნიციპალიტეტებსა და ქალაქ ფოთის
მუნიციპალიტეტში) სახელმწიფო რწმუნებულის
ადმინისტრაცია


მისამართი: ზუგდიდი, ზ. გამსახურდიას გამზ. #45

საიდ. კოდი – 220015141

სახელმწიფო ხაზინა, TRESGE22

ანგარიში # GE24NB0330100200165022

სახელმწიფო რწმუნებულის პირველი მოადგილე
ირაკლი ჯიქია



„მიმწოდებელი“:

ი.მ. „რუსუდან ვართაგავა“

მისამართი: ზუგდიდი,
პრავდის ქ. #87.

საიდ. კოდი – 19001080027

სს „თი ბი სი ბანკი“, TBCBGE22

ანგ. # GE81TB7815136010100026

ინდივიდუალური მეწარმე
რუსუდან ვართაგავა